

alia est realis, et haec proprie diciatur *degradatio*, quæ privat exercitio officiorum, et privat beneficiiis, et privilegio Canonis, et fori cum certa solemnitate, et ad semper, sine spe restitutionis. Dictum est, *exercitio*, quia ordo non potest tolli: unde degradatus tenet ad votum castitatis jam emissum, et ad horas canonicas, et invalide contraheret matrimonium (1). Degradatio non potest celebrari nisi ab Episcopo, sed depositio potest fieri etiam ab ejus Vicario: in depositione potest dispensare Episcopus sed in degradatione solus Papa. Depositio non potest fieri nisi in casibus expressis in jure, et in delictis atrocioribus; degradatio autem fit tantum in criminibus gravissimis, nempe heresim manifestam, calumniam in proprium Episcopum, sodomiam frequentem (2), et similium.

68. 3. De *interdicto*. Interdictum est censura qua prohibetur usus divinorum officiorum, aliquorum Sacramentorum, et sepulture ecclesiasticae. Dividitur interdictum in locale, personale, et mixtum. Per locale prohibentur divina officia in loco dumtaxat: per personale certis personis aut communitatibus prohibentur: mixtum denique afficit immediate et locum et personas. Dividitur etiam interdictum in generale, et particolare. Quando interdictum est generale, interdicta civitate, interdicuntur etiam suburbia, et etiam ecclesiae exemptæ Regularium, et tunc omnes tenentur illud servare, etiam Episcopus, qui illud tulit, excepto Pontifice. Licitum est tamen civibus, qui causam non dederunt interdicto, alio ire ad assistendum divinis officiis. Interdicta parochia, interdicta intelliguntur omnes capellæ, et cœmetrium contiguum; *Cap. Si licitas, de Sent. Excom.* (3). Interdicto populo, non interdicti intelliguntur clerici, peregrini, studentes, quia isti non sunt partes populi; dd. cum com-

(1) N. 323. et 324. — (2) L. 8. n. 320 et 327. — (3) N. 330.

muni. Contra interdicto clero, non intelliguntur interdicti laici, *cap. Si sententia, de Sent. excomm. in 6.*; nec Religiosi, nisi haberent officium aut beneficium in illo populo, nec ali clerici qui ibi nullum habent officium. Ab interdicto generali personali eximuntur 1. Episcopi (qui exempti sunt etiam a suspensione generali). 2. Infantes et amentes rationis expertes; sed hi etiam privantur sepultura. 3. Innocentes, sed tunc, cum domicilio alibi collocant. 4. Exteri, licet ibi diutius incolant (4).

69. Effectus interdicti sunt 1. prohibitio divinorum officiorum (intelliguntur illa quæ a clericis tantum exerceri possunt, et in loco deputato), quibus assistere nequeunt nec interdicti ob culpam aliorum. Clerici tamen qui non sunt interdicti possunt celebrare, sed clausis valvis, sine sonitu campanarum, et expulsis interdictis (modo denuntiati sint), *cap. Alma Mater, de Sent. excom. in 6.* Et si interdicti nolunt exire, debet cessari a celebratione sub pena irregularitatis; sed advertunt Suarez Holmz. et Mazzot. hoc currere, quando celebratur in loco interdicto. Permittitur autem celebrare in festis Natalis Domini, Paschæ, Pentecostes, Assumptionis B. Mariae, et in Octava Corporis Domini (5). 2. Prohibitio administrandi Sacraamenta, exceptis Baptismo (qui potest dari etiam solemniter), Confirmatione, et Poenitentia, quæ omnibus permittuntur, præter eos qui dederunt causam aut favorem interdictio. Eucharistia autem potest præberi moribundis, et etiam Extrema-Uncio, ut dicunt Suar. Croix. et Dicastill. contra Salm. et Sanchez. Item Coninch. et Laym. permittunt etiam matrimonium, et hoc est probabilius (contra Suarez) ex c. *Capellanus, de Feris*, ubi dicitur quod matrimonium possit contrahi quovis tempore (6). 3. Prohibitio sepultura; sed clerici, modo non sint nomina-

(4) N. 331. — (5) N. 333. — (6) N. 334.

tim interdicti, possunt sepeliri in ecclesia, etiam cum Missa; si autem ecclesia esset specialiter interdicta, possunt etiam in illa sepeliri, sed sine Missa. Sed laici non possunt sepeliri in ecclesia, et si forte ibi sepulti sunt, exhumari debent (1). 4. Clerici qui violant interdictum in materia gravi, peccant graviter, et exercendo Ordinem incurruunt irregularitatem. Ita etiam Religiosi qui incurruunt insuper excommunicationem ipso facto. Laici vero peccant mortaliter, si recipient sacramenta contra interdictum personale; sed si violant tantum locale, v. gr. assistendo divinis officiis, probabilius dicunt Laym. Bus. Sot. Silvest., etc. quod peccant tantum venialiter, modo ipsi non sint specialemente interdicti (2).

70. Possunt interdictum ferre omnes Superiores, qui possunt excommunicare. Ad interdicendum locum aut communatatem, requiritur peccatum nimis atrox, commissum a capite, vel a principalibus illius. Interdictum tamen ad breve tempus, et in ordine ad unum, vel alterum usum, potest incurri etiam ob peccatum veniale (3). Interdicta localia, et personalia in generali a jure communi lata et non reservata, possunt auferri ab Episcopis. Alia vero ab Episcopis lata, tantum possunt ab ipsis, vel a Papa auferri. Ab interdictis autem de jure personalibus, et particularibus non reservatis possunt absolvere quilibet confessarii approbati (4). Hic denique notandum, quod cessandum est a *Divinis* in ecclesia, et pro interdicta ipsam habenda est cum ibi permittatur afferri stratum cuicunque personæ, quæ non sit regia dignitate fulcita; *juxta Decretum* quod restulimus *Tr. 4. n. 39.*

71. IV. De *cessatione a Divinis*. Hæc definitio: *Prohibitio clericis facta, ut abstineant ab officiis divinis, et ab ecclesiastica sepultura*. Putant autem Suar. et Fill. posse Episco-

(1) N. 335. — (2) L. 7. n. 336. — (3) N. 337. — (4) N. 338. et 339.

(5) N. 340.

CAPUT III. De irregularitate

PUNCTUM I.

QUID ET QUOTPLEX SIT IRREGULARITAS.

72. *Definitio.*

73. *An irregularitas sit censura.*

74. *Divisiones irregularitatis.*

72. Irregularitas, licet non esset censura, quia tamen cum ea valde assimilatur, ei propterea annectitur; et definitio: *Est impedimentum canonicum suspicionem Ordinum sacrorum, et susceptorum usum impediens*. Itaque irregularis non potest nec Ordinem suscipere, nec suspectum exercere.

73. Quæritur an irregularitas sit censura? Affirmant Sot. Bon. Covar. et multi alii, dicentes essentiam censuræ, nempe esse penam ecclesiasticam, æque competere censuræ, et irregularitati. Alii autem communius, et probabilius, ut Suar. Bon. Castr. et Salm. cum aliis apud ipsis, id negant, dicendo esse illam impedimentum, sive inhabilitatem; et probant ex *cap. Quærenti, de Verbor. signif.* ubi interrogatus Innoc. III. quid intelligendum nomine censuræ respondit: *Quod per eam non solum*

interdicti, sed etiam suspensionis, et excommunicationis sententia valeat intelligi. Igitur præter has tres, nulla alia pena dici potest censura (1). Et licet sit pena, non est tamen medicinalis, nempe ad impedienda peccata futura; nam haec imponitur ob peccata præterita, et est pena mere punitiva.

74. Dividitur irregularitas in eam quæ provenit ex *delicto*, et eam quæ provenit ex *defectu*. Item in *totalem*, quæ omni Ordine suscipiendo, et suscepti exercitio privat; et *particularem* quæ tantum aliquo Ordinis ministerio, vel solo ascensu ad Ordines superiores privat; v.g. si sacerdos esset manu carens, vel coecus, esset inhabilis ad celebrandum, sed posset excipere confessiones.

PUNCTUM II.

EFFECTUS IRREGULARITATIS.

75. *Effectus*.

76. *An irregularis possit acceptare beneficia*.

77. *An possit accepta retinere*.

75. Irregularitas 1. inhabilem reddit ad suscipiendos Ordines, etiam primam Tonsuram, ut communiter dd. 2. Impedit exercitium jam susceptorum, *cap. fin. de Temp. Ord.* ideoque irregularis illicite, sed valide absolveret, etc. 3. Impedit a recipiendis beneficiis.

76. Sed quoad beneficia, queritur 1. an nulla sit collatio beneficii facta irregulari, qui est inhabilis ad functiones ipsius beneficii? Sententia communior, et probabilior affirmit, et probatur ex *c. 2. de Cleric. non ord. ministr.* Et præsertim ex Trident. sess. 22. *cap. 4. de ref.* ubi dicitur: *Nec ultis in posterum fiat provisio, nisi iis, qui jam celatum, et ceteras habilitates integre habere dignoscantur; aliter irrita sit provisio.* Et ratio est quia beneficium datur propter officium, et qui est inhabilis ad Ordinis jam suscepti exercitium, debet judicari etiam inhabili-

(1) N. 341. v. quer

lis ad beneficium; ita dicunt Suar. Bon. Tourn. Cabass. Salm. cum aliis multis. Oppositam sententiam defendunt Innoc. Sil. Laym. Viva, Elbel. Roncag. Diana, et Salm. cum Felin. Anch. Giball. et idem Suar., sicut etiam Bus. recte eam vocant probabilem; quia non est imponenda pena, ubi nulla lex expressa habetur, et cum nullus adsit textus evidens qui declareret irregularem incapacem beneficiorum, ideoque dicunt Suarez, Tourn. Bon. (2), quod licet peccet graviter in recipiendis; aut in retinendis illis sine dispensatione, tamen si per alios satisficeret beneficii operibus, non tenetur ad restitutionem. Et respondent ad Canones, quod ipsi illicitam declarant beneficii collationem irregularibus, non autem invalidam, et ad Tridentinum respondent, dicendo quod ibi invalida declaratur collatio facta inhabilibus, sed tales non reputantur irregulares quoad validitatem. Sed hic advertendum quod licet haec sententia sit probabilis, tamen quia prima etiam est probabilior, stante communiori sensu dd. qui, ut ait Laym., est optimus interpres legum, qui ita interpretati sunt textus supra citatos, non potest ideo in beneficii possessionem se intronitare, quia nemo cum opinione probabili potest in possessionem alterius rei se ingerere (3). Sed contra si bona fide beneficium accepisset, obtenta dispensatione, potest illud retinere, quin in dispensationis petitione mentio *acta* esset de beneficio (4).

77. Quæritur 2. an irregularis juxta præfatam sententiam possit sibi refinere beneficium? Quoad beneficia prius obtenta, nulli dubium est, quin possit; nec debet eis a judice privari, si irregularitas provenit ex infirmitate, uti habetur ex *c. Ex parte, de Cler. agrot.* Sed si irregularitas proveniret ex delicto, debebit privari a judice; sed interim, nisi dispensatio-

(2) Lib. 7. n. 343. — (3) Lib. in fine, lib. 3. n. 761. — (4) L. 7. n. 342.

nem obtineat, debet aut illud renunciare, aut resignare saltem in favorem tertii; quia qui non potest licite beneficii oneribus satisfacere, nec potest licite illud sibi retinere; ita Suar. Castr. Salm. cum multis aliis (1).

PUNCTUM III.

QUOMODO INCURRITOR IRREGULARITAS.

78. *Irregularitas debet esse expressa in jure.*

79. *Qui dubitat an sit irregularis.*

80. *Qui dubitat an sit homicida.*

81. *Quid requiritur ad irregularitatem ex delicto.*

82. *Si delictum est omnino occultum.*

83. *Aut requiritur scientia legis.*

84. *An scientia irregularitatis.*

85. *Quomodo tollenda est irregularitas in genere.*

86. *De dispensatione.*

87. *Quomodo tollitur irregularitas ex defectu.*

78. Irregularitas non incurrit nisi expressa sit in jure; cap. Is qui, de *Sent. excomm. in 6.* ubi dicitur: *Cum id non sit in jure expressum, etc.* Ideoque non debet extendi ultra causas expressos. Nomine *juris* intelligitur tantum jus pontificium, aut Concilia approbata a Papa. Hinc inferatur quod in materia irregularitatis non valit argumentum *a simili* nec *a majori ad minus*, ut communiter advertit dd. Advertit tamen Laym. quod in dubio an aliqua irregularitas sit nec ne expressa in jure, in hoc standum est communis sensus dd. et consuetudini (2).

79. Quæritur 1. an habendus sit Irregularis qui dubitat esse talem? Nomine dubii sic intelligitur negativum, quia in positivo, ante diligenciam, quisque se debet existimare irregularem; Sanchez. Suar. Castrop. et Salmant. cum Coninc. ex *cap. Illud, de Cleric. excomm.*, modo (dicunt Salm. cum aliis dd. cit.) non adsit aliqua gravis et urgens necessitas, v.gr. initiandi Ordinibus, aut beneficium suscipiendi; adhibitus sufficienti diligentia, potest teneri pro

(1) Lib. v. quer. — (2) L. 7. n. 345.

non irregulari; Suar. Castrop. et Salm. cum aliis. Itaque difficultas restat in dubio negativo, et respondetur: quod si dubium est juris, nempe an adsit vel ne talis lex que irregularitatem tali facto affingit, tunc in nullo foro censendus est irregularis, tum ex dictis num. praecedenti, tum quia in dubio nemos poliandus est suo jure; ita commun. dd. Sanch. Suar. Castr. Tourn. Hab., etc. (3). Si dubium est facti, nempe an commiserit tale delictum (homicidio excepto, de quo num. sequenti), duæ adsunt sententiae. Prima affirmat cum Coninc. Tourn. Hab. etc. ratione accepta ab homicidio, de quo in c. *Ad audiendum, de Homicidio* dicitur: *Cum in dubiis semitam debeamus eligere tutorem, vos convenienti injungere presbytero memorato ut in sacris Ordinibus non ministret.* Et ex hoc regulam statuant generalem, in omni materia sequendam esse tutiorem. Secunda sententia communis, et verior negat, et hujus sententiae sunt Suar. Cabass. Ronc. Castrop., etc. et Salm. cum multis aliis. Ratio est, quia odia sunt restringenda, et in dubio nemo damnandus est. Ita ex *Reg. Favorabiliorum, ff. de Reg. Jur.* et ex *cap. Cum sunt, eod. tit. in 6.* ubi dicitur: *Cum sunt jura partium obscura, reo favendum est potius, quam actori.* Et ratio deducitur ab eo quod mox dimisimus; nam dum dubitatur an dispositio de homicidio valeat ad alias materias, jam dubium est juris, in quo dubio etiam adversarii concedunt non incurri, dum in praefato cap. Is qui, de *Sent. excomm. in 6.* declaratur quod nulla irregularitas incurrit, nisi expressa sit in jure, et ad *cap. Ad audiendum*, responderet quod ibi voluerit Pontifex decentie motivo uti, quæ tanti Sacrifici dignitatem decet, ut ab altari repellatur qui dubitat esse homicidum: et quod hoc erat decentiae, et non præcepti appareret ex *cap. Petitiona, de Homicidio*, ubi dicitur: *Cum*

(3) N. 346.

sit consultius in hujusmodi dubio (homicidii) abstinere, quam temere celebrare. Quia de re quod in hoc loco consiliaverat, voluit Pontifex ut in alio capite in præceptum transiret (1).

80. Quæritur 1. an dubitans se esse homicidam, debeat semper censeri irregularis? Aliudicunt in foro externo se gerere debere uti irregulariter, non autem in interno: ita Innoc. Salm. Sanch., etc. Alii vero dicunt universaliter in neutrō foro censendum esse irregularē. Host. Arm. Tab. etc.; sed communis et verior Castrop. Bonac. Bon. Sanch. et Salm. cum multis aliis, tenet censendum esse irregularē in utroque foro. Nam ratio adducta in cap. *Significasti, c. Ad auentiam, et in penult. de Homic.*, nempe quod in dubio tūc pars eligenda est, utrumque forum comprehendit. Notandum primo quod hoc currit quando homicidium est certum et solum dubitatur an actio percussoris fuerit causa illius. Si vero dubitatur homicidium factum sit nec ne, tunc valde rationabiliter dicunt Pichl. Elbel. Dian. Tamb. et Spor. non esse censendum irregularē. Ideoque dicit Diana, cum Navarro, Menochio, et Quarant. quod si medicus venam secuerit prægnanti, ut illa abortiretur, et postea ignorat an abortus nec ne evenerit, non est censendum irregularis, quia habetur in lib. 1. §. item illud, ff. *Ad Syllam*, quod non procedendum est ad pœnam, nisi constet de delicti corpore. Secus autem si pharmaca essent ita efficacia, ut communiter ab eis soleat effectus consequi; ita Nav. Mascard. ex 1^a *ull. de Fide instrum.* vide dicta tr. 8. n. 22 Notandum 2. quod dubitans de homicidio debet ut talem se gerere in duobus effectibus, nempe in abstinentia a celebrando, et in petenda dispensatione: quare infertur 1. quod laicus non incurreret talem irregularitatem; Sal. et Roncagl. 2. Quod clericus non incurrit pri-

(1) N. 347.

vationem beneficiorum; San. Suar, Roncagl. Salm. et Castrop. cum Panor. etc. 3. Quod dubitans de mutilatione non est censendum irregularis; Sanchez, Bon. Ronc. Salm. et Suar. contra Nav. et Henr. (2).

81. Ad incurrandam irregularitatem, ex delicto, actus debet esse exterratus, et mortalis; quia irregularitas est pœna gravis quae difficulter relatur. Unde infertur, 1. quod si actus ob aliquam circumstantiam excusatur peccato mortali, excusatur etiam ab irregularitate. 2. Quod præceptum sub poena irregularitatis ad grave peccatum obligat. 3. Quod actus esse debet exterior; ideoque cum dicitur dispensare in irregularitate mentali, intelligitur occulta; Castrop. Conc. Aver. et communis cum Salmant. 4. Quod actus debet esse consummatus (3).

82. Quæritur hic 1. an ob delictum externe consummatum, sed omnino occultum, incurritur irregularitas? Tres adsunt sententiae, sed verior affirmit de omni delicto; quia Ecclesia sibi reservat delicta etiam occultissima, ut est hæresis occulta omnino (ut dictum est n. 53. in fine). Et quod revera ob delicta occulta incurritur irregularitas, apparet ex Trid. sess. 24. c. 6. *Liceat*, ubi conceditur Episcopis facultas absolvendi ab irregularitatibus occultiis, et inter ista fit mentio hæresis, et homicidii occulorum; et sicut pro hæresi et homicidio occultiis incurrit excommunicatio, ita pariter dicendum de aliis criminibus (4). Quinam autem possint dispensare in his. vide tr. 20. de *Priv. n. 51. 52. 105. et seq.*

83. Quæritur 2. an ad incurrandam irregularitatem requiratur scientia legis ecclesiasticae prohibentis? Sententia probabilior, et communissima (contra Suarez, Azor. Holzm. et Felin.) affirmit cum s. Antonin. Ronc. Castr. Navar. Silv. Sanch. etc. et Salmant. cum multis aliis;

(2) Lib. 7. n. 347. dubit. 3. — (3) N. 348. — (4) N. 349.

quia talis irregularitas habet rationem pœnae; et cum sit pœna, requiritur scientia saltem legis prohibentis. Et hoc probatur ex cap. *propositi*, Dist. 42. ubi Innoc. I. decrevit non deponendos fore quosdam clericos incontinentes quia ignorabant Constitutionem Siricii Papæ; unde Castrop. Viva et Salm. cum aliis affirmant, quodsi quis etiam ignoraret homicidio affixam esse irregularitatem, et homicidium committeret, non fieret irregularis: non ratione delicti, quia requiritur scientia; non ratione defectus, hanc enim incurrit tantum ministri justitiae, vel cognitionis causæ, vel executionis pœnae. Nihi lominus quoad homicidium, sententia satis probabilis et tenenda est quod incurrit, quia hæc irregularitas non tantum respicit delictum, aut defectum, sed etiam indecentiam quæ postulat ne admittatur ad sacrificandum in altari Dei Agnum mansuetissimum per manus ministri sævi, et crudelis; ideoque Trid. sess. 14. c. 7. de *Reform.* antequam reservet irregularitatem ex homicidio, adducit rationem quod repellendum est ab altari hom. *ida*: *Cum etiam* (sunt verba Trid. mutuata a cap. 21. *Exod.*) *qui per industria occiderit proximum suum,.... ab altari avelli debeat.* Quis non videt Concilium ostendere ipsiusmet naturæ legem expostulare hujusmodi ministros etiam per vim expellendos esse ab altari (1)? Hoc non obstante, non audeo reprobare sententiam oppositam, dum hic casus non est expressus in iure.

84. Quæritur 3. an ultra scientiam prohibitionis ecclesiasticae, requiratur scientia irregularitatis? Duplex est sententia: prima est Suar. Laym. Croix. Tournel. Pont. Sot. Vasq. etc., quæ negat, quia irregularitas non est pœna medicinalis, sed inhabilitas, sive pœna mere punitiva; quare sufficit ut talis pœna sit imposta a lege illi actui, et ut reus sci-

(1) L. 7. n. 350.

II.

ter et culpabiliter illum patraverit. Secunda sententia etiam probabilis affirmat; nam irregularitas ex delicto cum sit vera pœna, et extraordinaria, ideoque cum prævideri non possit, ac præcognosci solet saltem in confuso pœna ordinaria, non censetur Ecclesia tanto rigore velle ignorantiam punire (2); et sic tenent Silvest. Sanch. Ronc. Boss. Coninch. Sayrus, Corneus, Rodriquez; et Salmant. putant probabilem hanc sententiam æque ac primam: et p. Suarez etiam probabilem vocat.

85. Irregularitas multifariam tolli potest. 1. Si cessat causa, cum irregularitas est ex defectu, v. g. ætatis, ignorantiae, etc. Suarez, Laym. Tourn. etc.; cum vero irregularitas, provenit ex infamia, si hæc est popularis, per emendationem tollitur; Can. 4. et 18. Dist. 56. Si infamia est facti, tollitur per loci mutationem, Tourn. et Ronc.; sed si infamia est juris, nempe per judicis sententiam, pro hac requiritur dispensatio. 2. Si proveniret ex delicto, tollitur per Baptismum; unde qui ante Baptismum commisisset homicidium, non erit amplius irregularis; Salm. cum Coninc. et Laym. 3. Per Pontificis dispensationem (3). 4. Per professionem religiosam (3). Quando et quibus in casibus possunt dispensare Episcopi et Regulares, vide seq. tr. 20. de *Priv. n. 51. et 105. et seq.*

86. Plura notanda sunt circa dispensationem. 1. Dispensatio Pontificis sine causa est valida, sed illicita; ab inferiore autem est invalida. 2. Qui plures irregularitates ejusdem speciei incurrit, in dispensatione sufficiente exprimere se plures illam incurrisse. 3. Si prælatus, qui facultatem habet dispensandi, scienter admittit irregularitatem ad beneficium, censetur dispensare cum illo; Bonac. Salm. cum aliis, etc. (4).

87. In irregularitate ex defectu solus Papa potest dispensare, et ille qui

(2) N. 351. — (3) N. 352. — (4) N. 352. v. hic notand.

de hoc speciale privilegium habet. versi sunt, tollitur irregularitas; Irregularitas ex defectu natalium potest tolli per professionem religiosam, quoad Ordines, sed non quoad praelaturas; ita commun. dd. tum ex c. 1. de Fil. presb., tum ex concessionibus Gregor. XIV. Clem. VIII. et Pauli V. Dicunt autem Diana, Barbos. Castrop., etc. quod Prælati regulares possunt dispensare ad prælaturas in Capitulis generalibus aut provincialibus. Per prælaturas non venit Episcopatus; Bonac. et Tourn. Præterea omnes dd. (excepto Soto) dicunt verum non esse per professionem in religione approbata auferri omnes irregularitates (1). Quoad alias facultates Regularium, vide tr. 20. de priv. n. 105. et seqq.

PUNCTUM IV.

QUENAM SINT IRREGULARITATES EX DELICTO.

- 88. I. Ob Sacramentum.
- 89. II. Ob violationem censuræ.
- 90. III. Ob exercitium solemne, etc.
- 91. IV. Ob illicitem Ordinum susceptionem.
- 92. V. Ob delicta enormia.
- 93. VI. Ob homicidium.
- 94. 95. et 96. De homicidio voluntario
- 97. et 98. De mandantibus, consilium dantibus, etc.
- 99. De cooperantibus
- 400. De ratihabentibus.
- 401. De non impedientibus.
- 402. ad 405. De homicidio casuali.
- 406. Qui occidit ob defensionem.
- 407. Qui occidit ad tuenda bona.
- 408. De homicidio in rixa.
- 409. et 410. De mutilatione.
- 411. De dispensatione, remissive.

88. Prima oritur ob Sacramentum Baptismi non rite susceptum; ideoque irregularis est, 1. qui sine necessitate recipit Baptismum ab haeretico, can. Placuit, q. 4.; sed intelligitur si illum recepit in adulta ætate; nam contra declaravit S. C. Conc. 21. maii 1716, non esse irregularē puerum qui baptizatus fuit ab haeretico. 2. Filius haerelici, c. Statutum, de Haeret. in 6; sed si postea parentes ad catholicam Fidem con-

(1) N. 354.

Suar. d. 43. Sect. 3. etc., et ita declaravit S. C. præfato die 3. Qui differt Baptismum usque ad periculum mortis, c. Si quis, l. 57. 4. Qui scienter bis baptizantur solemniter: et hanc incurunt tam rebaptizatus, si est adulterus, cap. 4. Confirmandum, Dist. 50 quam rebaptizans. juxta communem dd. ex c. Ex litterarum, ubi declaratur irregularis acolythus assistens rebaptisationi. Excusant dd. si hoc fieret metu, sed nemo excusat si id faciat ex ignorantia culpabili, can. Quibus, de Conseq. d. 4. (2).

89. Secunda est ob violationem censuræ, cum qui ligatus est censura, solemniter exerceret Ordinem sacram. Dictum est solemniter, v. g. si diaconus cantaret Evangelium cum stola et manipulo, aut si Capitularis hebdomadiorum fungens in choro, cantaret: Dominus vobiscum. Et si es set innodatus dupli censura, unam incurreret irregularitatem duabus æquivalentem, sed in postulatione dispensationis exprimi debet, Tourn. etc. (3). Advertendum quod non fieret irregularis qui sola excommunicatione minore ligatus esset, cap. Si celeb. de Cler. exc. min.; nec qui exercet minores Ordines, etiam solemniter: Laym. Nav. Salm. etc., et de hoc non amplius videtur dubitandum post Bullam, Etsi pastoralis Bened. XIV. (int. 1.) de Dogm. et Rit. ab Italo-Græcis, etc. ubi §. 7. n. 9. dicitur: Promoti ad primam Tonsuram vel ad alium quemcumque Ordinem sine dimissoriis, etc. suspensi sint; et si suspensi in sacris Ordinibus ministraverint, efficiuntur irregulares sicut et Latinus. Nec qui concionatur, nec qui exercet actus jurisdictionis, nempe excommunicandi, confessarios approbandi, beneficia conferendi, assistendi, aut licentiam assistendi matrimonio alteri dandi, officium cantandi, aut vota dispensandi (4). Nec fit irregularis qui celebrat in ecclesia polluta; fit autem

(2) L. 7. n. 356. — (3) N. 357. — (4) N. 342. ad 2. et n. 358.

qui in interdicta celebrat, c. Is qui, de Sent. exc. in 6. Contra advertendum quod Episcopus, aut aliis sacerdos qui cogere censuratum ad celebrandum, fieret irregularis, c. Illud, de Cler. exc. min. Sed ab ipsa possunt dispensare Prælati regulares, licet esset publica: et etiam cum secularibus ex privilegio Martini V. et Julii II. (1).

90. Tertia est quando clericus exercet Ordinem sacram quem non habet, cap. 1. de Cler. non Ord., puta si quis clericus diaconatu non initiatus Evangelium cum stola cantaret, baptizaret solemniter, etc. An autem si laicus tales functiones exercet, dictum est quod probabiliter non incurrit irregularitatem (2).

91. Quartula incurrit propter Ordines non rite susceptos; unde 1. est irregularis qui ordinaretur ab Episcopo suspenso, haeretico, schismatico, aut simoniaco, c. Quod quidem, et can. Statutum 1. q. 1. et c. 1. et 7. de Schism. ubi dicitur quod ad hujusmodi ordinationes requiritur dispensatio. Et constat etiam ex cit. Bul. Etsi pastoralis Bened. XIV. §. cit num. 15. ubi dicitur quod Ordinatus ab Episcopis schismaticis, non ministrant, nisi cum ipsis super irregularitate auctoritate sanctæ Sedis apostolicae fuerit dispensatum. 2. Qui cum excommunicatione, aut suspensione, iniciatur Ordinibus sacris, aut se promoveri facit ab Episcopo non proprio, aut ordinatur per saltum (Avila. Nav. Bon. et Bus. dicunt tamen quod iste tantum suspensus est ab exercicio Ordinis recepti per saltum) aut ante aetatem, aut sine litteris dimissorialibus, et haec ordinationes appellantur a dd. furtivæ. Advertunt tamen Suar. Castr. et Salm. quod haec potius dicendæ sunt suspensions, ne ad Ordines superiores ascendi possit; affirmant tamen hanc absolutionem impetrandas esse a Papaâ. Hinc ob furtivam ordinationem fiunt

(1) Ib. v. notand. 2. et 3. — (2) L. 7. n. 359.

(3) N. 360. et 361. — (4) N. 363. — (5) N. 364. — (6) Ib. v. episc. — (7) N. 365. et 366.

93. Sexta oritur ex homicidio, aut ex injusta mutilatione. Ex homicidio tam si sit voluntarium, nempe directe volutum, aut indirecte in causa proxima homicidii, ut dando venenum; quam si sit casuale, nempe volutum in causa, sed non proxima homicidii, modo istud sit prævisum, et negligentia graviter culpabili non impeditum. Advertendum hic quod quicquid dicitur de homicidio, totum valet de mutilatione (7).

94. Quoad homicidium voluntarium

certum est esse irregulares omnes

qui sunt causa immediata mortis aliquis, c. Si quis, de Homic. et Trid.

sess. 14. c. 7.

95. Quæritur 2. an homicida, antequam percussus moriatur, si se pœnitet, excusat ab irregularitate? Negatur cum sententia veriore Sanch. et Viv. (contra Salm.), causa enim physica, quæ voluntarie posita est, necessario operatur; unde propinato veneno, non amplius est in ejus potestate efficere ne illud mortem inferat. Ideoque recte Suar. non excusat mandantem ab irregularitate, si casu mandati revocatio non pervenit ad mandatarium (1).

96. Quæritur 2. an sit irregularis qui fuit primus ad vulnerandum lethaler, si vulneratus postea sit occisus ab alio? Affirmant Fagn. Cov. et Ugol. argumentum sumentes ex Cap. *Significasti*, ubi Papa respondit non esse percussorem irregulararem, si leviter percussit; secus vero, si lethaler. Sed negant Laym. Bon. Avil. Coninch. Mol. et Escob. cum Henr. dum cap. *Significasti* non obstat nostro casui; nam ibi agebatur quod ambo percusserant, et nesciebatur cuius vulnere mors evenisset, ideoque respondit, si primus leviter percusserat non erat irregularis. Sed casus noster est quod licet primus lethaler percusserit, mors tamen certe illata fuit ab alio; unde in jure cum nulla adsit decisio, ideo potest excusari. Hoc nihilominus non currit, si sciretur quod secundus tantum mortem accelerasset, sed etiamsi iste non percussisset, ille utique mortuus esset: v. gr. si primus gravissime vulnerasset eum in capite, etc., tunc non posset ab irregularitate excusari (2).

97. Sunt etiam irregulares omnes mandantes et consilium dantes, cap. *Si quis viduam*, Dist. 50. cap. *Significasti*, et cap. *Sicut de Homic.* Sed mandans et consilium dans non fiunt irregulares, si homicidium alia de causa patratum fuisset, Sanch., Viva (3). Quando autem dubitaretur an mandatum, aut consilium fuerit causa

(1) N. 368. — (2) L. 7. n. 369. — (3) N. 370.

efficax homicidii, multi dd. ut Sanch. Salas, Nav. Salm., etc. non excusant; tum quia possidet mandatum, aut consilium, donec contrarium non probatur, tum ex cap. *Ad audientiam*, quod in dubio homicidii tutor pars sequenda est, ut, si postea dognoscatur homicida, evitetur indecentia, et scandalum; et ita de mandante aut consiliente dici debet. Sed excusant Diana, Sporer, et Tamb. quia leges loquuntur de illis qui certe sunt homicidæ causa mandati aut consilii, non autem de illis de quibus dubitatur an sint causa illius, unde videtur quod hæc secunda sententia non possit dici improbabilis (4).

98. Sed si consilium antequam executioni datum sit, revocatum esset, licet Nav. et Bon. cum Azor. velint etiam incurri, quia licet illud sit revocatum, etiam influat; attamen Suar. (qui dicit esse commune) Silv. Filib. p. Nav. Avil. Salas eum excusant, quia ut excusat consilium dans sufficit, ut sicut suo consilio concurrit moraliter in homicidium, ita eo revocato, influxum moralem removet: et tunc homicidium potius imputatur malitia executoris, quam consiliarii; modo tamen revocatio sit homicidæ notificata antequam crimen patraretur; et pariter, modo consilio suo non insinuaverit motiva, aut modum illud exequendi, quia tunc probabilius incurrit; licet, hac ultima limitatione non obstante, improbabilem non censeo oppositam sententiam Suar., juxta dicta 10.n.48. (5).

99. Incurrunt etiam omnes coope- rantes, ut homicidium celerius, audacius, aut securius fiat: ideoque irregulares sunt 1. qui excitant ad ci- tius patrandum homicidium eum qui jam paratus erat ad illud committendum, quia revera directe est causa cur homicidium pro illo tunc fiat (6). 2. Omnes qui ad homicidium se ex- citant, licet unus occidat. 3. Omnes qui prælantur in bello injusto, si

(4) N. 371. — (5) N. 373. — (6) N. 372.

ibi aliquis pereat, licet quis certo sciatis se non vulnerasse, nec scopelum explosisse. 4. Qui ministrat arma aut pecunias ad homicidium, aut bellum injustum patrandum. 5. Accusa- tores, testes et judices injusti. 6. Qui verbis, aut sua assistentia homicidæ animum præbet (1).

100. Quæritur 1. an sit irregula- ris qui ratum habet homicidium pa- tratum in sc̄i gratiam? Negatur cum sententia communis et veriore Suar. Bon. Escob. Avil et Salm. cum aliis, contra Nav. etc., quia in nulla lege reperitur talis irregularitas; verum est quod ratihabilitas æquivalat man- dato quad culpam, sed non expressa est in lege, prout expressa est excom- municatio in eos qui ratam habent clericorum percussonem (2).

101. Quæritur 2. an sit irregula- ris, qui cum possit homicidium im- pedire, culpabiliter non impedit? Cer- tum est quod si obligatio est charita- tis, etiamsi odio id negligat, non fit irregularis; ita communiter Suar. Bon. etc. Dubium restat, si teneretur ex justitia, nimurum ex pacto aut officio. v. g. medici, qui ad id recipit stipendium; advocati qui tenentur de- fendere reum; custodis viarum, etc. Multi dd. ut Rone. Hurt. Vasq. Turr. Diana, etc. negant hunc fieri irregularem, quia negative influat in ho- micidium; alii vero communis, ut Nav. Suar. Castr. Bon. Esc. cum aliis, et Salm. cum pluribus aliis affirmant; quia qui ex justitia tenentur, et pos- sunt defendere, videtur esse veri homicidæ, si non physice, saltem moraliter. Hoc non obstante prima sententia etiam videtur probabilis, ex principio generali: quia ex sacris Ca- nonibus non constat esse irregulares, nisi solos homicidas, mandantes, con- siliatores, et qui positive concurrunt. Præterea Tourn. et Escob. excusant patrem, si sua negligentiæ in cunis puer fuisset mortuus, deducentes ex c. *Quæsum, de Pœnit. et rem.* ubi declarantur irregulares dumtaxat pa-

tres qui scienter negligunt impedire puerorum suffocationem in cunis (3).

102. Quoad homicidium *casuale*, fit irregularis qui aliqua sua actione prævidet periculum mortis alterius, et culpabiliter negligit prospicere tali periculo; dd. communiter, et appa- ret ex Clem. Si *furious de homic.* Dictum est *culpabiliter*, quia cum bæc irregularitas sit ex delicto, re- quiritur peccatum mortale, ut com- muniter Suar. Bonac. Tourn. Conc. etc. (4).

103. Qui vero daret operam rei licitæ, adhibita sufficienti diligentia, ne accideret homicidium, non fieret irregularis, licet inde accidat mors; ita communiter dd. cum s. Thoma (5); et patet ex cap. Joannes, c. *Dilectus et c. Ultimo de Homic.* Secus autem si sufficiens diligentia negligatur; cap. *Presbyterum*, et cap. *ad Audien- tiam, de Homic.* Dicitur sufficiens illa diligentia, quæ adhiberi solet a quolibet prudente, juxta facti qualitatem. Et advertendum quod negligen- tia debet esse culpabilis mortali- ter, ut comm. dd. et probatur ex cap. *Quæsum, de Pœnit. et Rem.* et ex c. fin. de *Homic.* Vide dicta n. præc. 81. (6). Hinc infertur non esse irregularem 1. magistrum qui mode- rate verberat discipulum, et patrem qui verberat filium, si casu accidat mors; secus vero, si excederat gra- viter, cap. *Presbyterum*, et cap. fin. de *Homic* 2. Qui equitando equum fe- rocem casu puerum occidit, cap. *Dilec- tus 1. de Homic.* 3. Qui animal ferox caute custoditum tenet, si illud casu fugit, et aliquem necat; secus, si illud in via teneret, aut sua negligentiæ fu- geret; Salm. cum aliis. Qui tectum reficiens, postquam viam prætergre- dientes admonuerit, tabulas aut la- pidies projiceret; Salm. etc. 5. Qui bona fide infirmo aliquid cibi, vel potus præberet, aut si ab uno ad alium lectum eum transferret, aut eum volveret, etc. et infirmus decederet;

(3) L. 7. n. 376. — (4) N. 377. — (5) 2. 2. q. 64. a. 8. — (6) L. 7. n. 383.

ita communiter omnes. 6. Si sacerdos jubet incisionem alicujus membrorum, jam a medicopræscriptam, modo illam non faciat per seipsum, Cass. lmo Conc. excusat clericum qui chirurgum coadjuvat ad membrum incisionem. Et Nav. et Cov. (et Salm. putant probable) dicunt non esse hunc irregularē, licet in animo habeat ut infirmus cito deficiat; quia licet peccatum mortale adsit, deest tamen actio externa graviter injusta. Ego autem subjungo, modo adhibeatur diligentia ad vitandam mortem (1). 7. Medicus, si casu e vivis dedit infirmus ob pharmacum ei præstitum, c. *Ad aures, de Alat. et qualit. Ord.* Et hoc procedit, etiamsi esset clericus vel monachus; modo A. sit peritus, aut bona fide id faciat, prebendo aliquid infirmo in reedium, aut levamen. 2. Si est clericus modo medeatur sine incisione vel adustione, c. *Sententiam Ne Cler. vel Monac. et si, non obstante incisione, aut adustione, infirmus vi mali aut ob aliam causam obiret, eum ab irregularitate excusat Castr. et Salmant cum aliis. Imo communiter dicunt Castr. Tourn. et Salmant. cum multis aliis, quod si nullus alias peritus adesset, poterit tunc clericus vel monachus sine peccato et ab irregularitate immunis incisionem facere, et ignem applicare. Et etiamsi clericus esset beneficiatus, si incisionem aut adustionem sine necessitate adhiberet, non censetur irregularis juxta sententiam veriorem Tourn. cum Pontas, Giball. Bon. et Mol. (contra Nav. et Panorm.), quia in c. *Sententiam* fit mentio de solis clericis in Sacris (2).*

404. Si quis unquam daret operam rei illicitae, sed non periculosa mortis, adhibita sufficienti diligentia, non fit irregularis, licet alia via peccet, v. gr. si quis induceret alium ad furandum sine periculo, et iste mero casu occideretur, quia tunc non est
 (1) N. 382. v. 4. qui infimo, et fusius 384. et l. 3. n. 398. — (2) L. 7. n. 385.
 (3) N. 386

causa homicidii, cum nec directe illud voluerit; nec indirecte illud præviderit; ita communiter dd. contra Palud. et Gabrin. qui citant s. Thomam 2. 2. q. 64 a. 8., sed perperam, nam ibi Sanctus intelligit de eo qui aliquid homicidii periculosum facit, ut videre est ex respons. ad 1. et 2. Et Canon. *Cler. jacen. et c. Eos vero, D. 50.* intelligentur de homicidio casuali, sed directe vel indirecte volito, ut deducitur ex Clemente. *de Homicid.* (3).

405. Majus dubium restat, an fiat irregularis, qui dat operam rei illicitae, sed mortis periculosa, si mors evenit? Duæ sunt opiniones probabiles. Prima affirmat, et hanc tuentur Suarez Navar. Mol. Conc. Avil etc. inducit ex cap. *Tua nos, de homicidio*, ubi irregularis declaratur monachus peritus, qui incisit apostema cujusdam mulieris, quæ sua incuria obiit. Sed secunda sententia, quam docent Castrop. Tourn. Laym. Spor. Tamb. Elbel. Bonac. Salm. cum aliis pluribus, probabilius dicit, quod si opera esset ita periculosa, ut ex illa plerumque eveniat mors, (ut est accendere bombardam), tunc incurrit irregularitas: quia quantalibet diligentia adhibetur ad mortem vitandam, non potest effici ut illa opera proxime periculosa, talis non sit. Idem currit de eo qui præliatur in bello, aut inducit alium ut se periculo mortis temere exponat. Secus autem, si opera raro mortem inducit, et debita diligentia adhibetur, quia tunc homicidium non est voluntarium, nec in se, nec in causa. Ad textum *Tua nos* respondet, quod monachus irregularis declaratus fuit, quia incisione per c. *Sententiam* vetita usus fuit. Nec obstat c. *Continebatur, de Homic.* quod opponitur, ubi irregularis declaratus fuit quidam diaconus qui ferendo latenter falce, et cum altero ludendo fuit causa, ut hic eum amplexans a falce feriretur, et mortem subiret;

quia is diaconus habitus est irregularis in foro externo, cum judicatum fuerit eum in debita diligentia defecisse: quare Suar. Bonac. dicunt, quod si iste illud periculum non amavertisset, in conscientia non tegebatur ad se tenendum irregulariter (1).

406. Non est irregularis qui occidit ut se defendat, quando est moderata defensio, c. *Significasti, § fin. de Homic. et c. Clement. si furiosus, eod. tit. ubi dicitur* Et item (nempe non incurri irregulariter) de illo censemus, qui mortem atiler evitare non valens, suum occidit vel mutat invasorem. Et licet adversari videatur Trid. sess. 14. cap. 7. dum requirit dispensationem pro homicidio casuali, etiam pro defensione patrato; attamen dicitur cum Rone. Salm. et cum Deer. S. C. Concil. intelligi de eo qui excedit ut exprimitur in cit. Clement. Præterea Suar. Rone. Less. Bonac. Filiac. etc. excusant etiam qui occidit injustum invasorem innocentis; dum irregularitas ex homicidio contrahitur ob peccatum mortale, ut deducitur ex cap. *Ex litteris, de Homic.* Probabiliter autem dicunt Rone. Suar. Salm. etc. esse irregularē illum qui convicū et percussionibus provocaret aliquem, prævidendo periculum invasionis, si postea ob defensionem occidit aggressorem: quia tunc jam ponit actionem proxime periculosam. Ita etiam si adulter prävidendo aggressiōnem, adit concubinā domum, ubi (postquam in se invasum est) ut se defendat occidit virum illius; aut si vir occideret uxorem, et adulter prävidisset hoc damnum (2).

407. Queritur 4. an sit irregularis qui occidit pro defendendis libertate, honore, pudicitia aut bonis temporalibus? Duæ adsunt sententiae. Prima est affirmativa, quam tenent Laym. Tourn. Spor. Nav. Silv. Armil. Fag. etc. et probant ex cap. *Suscepimus*, in quo declaratus fuit

(1) N. 387. — (2) Lib. 7. n. 388.

irregularis quidam monachus qui occidit duos latrones; et etiam ob defectum lenitatis. Negat tamen sententia communior et probabilior, quam tuentur Suarez (qui vocat communem) Less. Castr. Filiac. Bonac. Holzm. Elbel Ronc. Barbos. et Salmant. cum multis aliis. Et probat ut ex cap. *Quia te, D. 50.* ubi quidam Episcopus captivus factus a Saracenis, ad suam libertatem tuendam occidit multos, et postea declaratus fuit immunis ab irregularitate ab Urbano II., et Boverius ad annum 1374. n. 6. et Raynaud. asserunt quemdam Capuccinum nuncupatum p. Anselmum de Petramellara a Turcis captum, qui, se ut ipse liberaret, septem Turcas interfecit, a s. Pio V. immunem ab irregularitate declaratum fuisse. Item ex cap. *Interfecisti*, ubi ab irregularitate eximitur qui occidit ad defendendum se et sua, illud et significat vel, alias nemo posset defendere se solum, nisi etiam defendet bona simul; et frustra Pontifex apposuisset illud sua, si dumtaxat ob vitæ defensionem evitaretur irregularitas. Et clarius ex cap. *Dilecta, de sententiis excomm.* ubi Papa declaravit licere cuidam decano defendere bona sua a violentiis cuiusdam domini temporalis, et temporalibus viribus (nempe armis) et gladio spirituali; rationem adducens, legibus permisum esse vim vi repellere et defensare; unde observatur quod Papa censebat eadem ratione, que quis potest defendere se ipsum, posse defendere etiam bona. I. itur sicut qui pro sui defensione occidit, non sit irregularis; ita nec pro tueris bonis; modo non excedatur, et sint magni valoris (Vide Tr. 8. n. 45). Et etiam assistit ratio, dum talis irregularitas non esset ex delicto, quia sine peccato, ut probatum est in Tr. 8. n. citat. nec ex defectu, quia haec incurrit tantum a ministris publicis justitiæ, a militibus in pugna offensiva, et a clericis qui exercent medicinam cum incisione, et adus-